



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

15. Lucratus eris fratrem tuum.

urn:nbn:de:hbz:466:1-39546

istud: Dedit Christus Episcopos qui regat Ecclesiā Dei ergo nec paterfamilias, nec parentes naturales, nec proximus quisq; spiritualem suorum curam habere tenentur. Denique & istud: Rex totam Rē publicam per varios magistratus in vnaquaque ciuitate temporaliter regit: ergo nec domino seruus, nec patri filius, nec duci miles, nec artifici tyro, nec magistro discipulus obedire debet. Est quippe Angelorū custodia generalis, est & cuiusque particularis; sicut est tum Spiritus Sancti, tum Ecclesie, tum Reipub. cura ac moderationis generalis, quae particularem in unoquoque genere non excludit. Deinde, et si aliqua Scriptura docet generalem Angelorum custodiā, aliæ tamen Scripturæ docent particularem, sicut tum hic locus, tum ille maxime de Petro fores pulsante: *Angelus eius est.* Act. 12 ut in loco supra citato contra Caluinum explicuimus. Insulse igitur & nimis præproperè post tam stupida argumenta concludit Caluinus. *Facessat ergo commentum illud de bono & malo genio.* Facilius fuit Caluino citò concludere, quam solidè disputare.

15. *Lucratus eris fratrem tuum.*

NO T A N D V S in Scriptura loquendi modus, qui effectum totum partialibus causis eisdemque infimis interdum tribuit. Causis partialibus tribuitur effectus.
Lucrari enim animam perditam, præcipue quidem Deo, eius gratiæ, & Christi merito tribuendum est; partim quoque ipsius conuersi pœnitentie, lachrymis, fidei, fiduciae, orationi, aliisque ex libero eius arbitrio cum speciali Dei auxilio profectis conatibus. Hoc tamen in loco tribuitur correptioni fraternæ, quæ non nisi exter-

M

num

num quoddam medium est, idemque inter extera infimum, quum Pastoris prædicatio & corripio magis sit ordinarium & excellens medium, quia ex vocatione loquitur. Docere hic locushæreticos hodie debet, ne blasphemiam putent, si B. Virginé aut alios Sanctos, vitam, spem, ac salutem nostram interdum vocamus: quatenus videlicet, vita, spei, ac salutis nostræ partiales causæ sunt, tametsi ne e primariæ nec integræ.

17. Quod si non audierit eos, die Ecclesiæ.
18. Si Ecclesiæ non audierit, sit tibi sicut ethnicus & publicanus.

DISCIPLINAM & censuram Ecclesiasticam à Christo hoc loco institui omnes intelligunt. Sed Ecclesiæ nomine quid intelligi debeat, non omnes rectè assequuntur. Hæretici hodie, ut Ecclesiasticā disciplinam quam à Prælatis Ecclesiæ exerceri videbant, penitus subuerterent, séque ipsos à censuris Ecclesiæ ipsaque excommunicatione immunes seruerant, nouas huius loci interpretationes commentisunt. Quidam enim toti congregationi hanc authoritatem tribuunt, tum quia Ecclesia congregationem & multitudinem significat, tum maximè quia publica censura his verbis significatur. Christus enim (aiunt illi) gradatim ascendit à priuata admonitione ad testes duos, aut tres: à testibus ad Ecclesiæ: quæ nisi plures quam duo aut tres essent, non esset gradatio, sed descensio. Totam igitur fidelium congregationem intelligant non quidem toto orbe dispersam, sed illius loci ac parœciæ cui frater corripiendus subiicitur, quia auctor sequitur forum rei. Hæc fuit prima

Ecclesia
quæ au-
dienda.